

Na osnovu člana 56. stav 2. i člana 68. stav 2. Zakona o organizaciji organa uprave u Federaciji Bosne i Hercegovine («Službene novine FBiH», br.35/05 i 24/13), ministar finansija, donosi

UPUTSTVO
O POSTUPKU DODJELE I KORIŠTENJA SREDSTAVA TEKUĆE REZERVE
BUDŽETA TUZLANSKOG KANTONA

I

Ovim uputstvom propisuje se postupak dodjele i korištenja finansijskih sredstava iz tekuće rezerve budžeta Tuzlanskog kantona (u daljem tekstu: Budžet), obrasci i način izvještavanja o utrošku tih sredstava, te oblasti od posebnog javnog interesa koje se mogu finansirati iz sredstava tekuće rezerve.

II

Pod sredstvima tekuće rezerve u smislu ovog uputstva podrazumjevaju se sredstva planirana u Budžetu za svaku fiskalnu godinu na ekonomskom kodu-600000-tekuća rezerva.

III

Korisnici sredstava tekuće rezerve i kriteriji za korištenje sredstava tekuće rezerve utvrđuju se Zakonom o izvršenju Bužeta Tuzlanskog kantona (u daljem tekstu: Zakon).

IV

Nepredviđeni rashodi i izdaci za koje u Budžetu nisu planirana sredstva ili rashodi i izdaci za koje se tokom godine pokaže da za njih nisu utvrđena dovoljna sredstva jer ih pri planiranju Budžeta nije bilo moguće predvidjeti, podmiruju se iz sredstava tekuće rezerve utvrđene Budžetom.

Oblasti od posebnog javnog interesa koje se mogu finansirati iz sredstava tekuće rezerve su i:

- A) oblast kulture
- B) oblast sporta
- C) oblast nauke
- D) oblast obrazovanja
- E) ostale oblasti koje Vlada cijeni u konkretnom slučaju

V.

Pod oblasti kulture u smislu prethodne tačke podrazumjevaju se kulturne i vjerske manifestacije, projekti i programi od interesa za Tuzlanski kanton (u daljem tekstu:Kanton) čiji je rezultat promocija i predstavljanje kulturnog nasljeđa i unapređenje kulture na području Kantona.

Pod oblasti sporta u smislu prethodne tačke podrazumjevaju se sportske manifestacije od interesa za Tuzlanski kanton, učešće pojedinaca i udruženja građana ili sportskih klubova sa područja Kantona na svjetskim, evropskim i državnim takmičenjima, manifestacijama i skupovima čiji je rezultat promocija i predstavljanje Kantona i sportista sa područja Kantona.

Pod oblasti nauke u smislu prethodne tačke podrazumjevaju se naučni i stručni skupovi, kongresi i drugi oblici organizacije sastanaka naučnih i stručnih radnika i udruženja sa područja Kantona, a od interesa su za Kanton, čiji je rezultat promocija i predstavljanje nauke, struke, te naučnih i stručnih dostignuća u raznim oblastima svih nivoa.

Pod oblasti obrazovanja u smislu prethodne tačke podrazumjevaju se obrazovne aktivnostie od interesa za Tuzlanski kanton, putem učešća učenika, studenata, prosvjetnih radnika, naučnika, ustanova obrazovanja, obrazovnih udruženja i sl. sa područja Kantona na svjetskim, evropskim i državnim, kantonalnim takmičenjima, manifestacijama i skupovima čiji je rezultat promocija i predstavljanje, te unapređenje svih procesa obrazovanja od interesa za Kanton.

Pod ostalim oblastima koje Vlada cijeni u konkretnom slučaju podraumljevaju se oblasti za koje Vlada procjeni da su od interesa za Kanton a posebno oblast zaštite zdravlja stanovništva, otklanjanja i sprečavanja posljedica od elementarnih nepogoda i prirodnih i drugih nesreća, zaštite imovine i imovinskih interesaprava Kantona.

VI.

Za dodjelu sredstava iz tekuće rezerve Vlade Tuzlanskog kantona (u daljem tekstu: Vlada) budžetski korisnici podnose Ministarstvu finansija- Zahtjev za dodjelu sredstava iz tekuće rezerve Vlade Tuzlanskog kantona (Obrazac 1) uz prijedlog odluke o odobravanju sredstava iz tekuće rezerve.

VII.

Ministarstvo finansija putem Obrasca 2 analizira zahtjev budžetskog korisnika za sredstvima iz tekuće rezerve Vlade, sa aspekta hitnosti, opravdanosti i mogućnosti dodjele zahtijevanog iznosa sredstava.

U slučajevima kada je zahtjev budžetskog korisnika opravdan, Ministarstvo finansija izrađuje prijedlog odluke o odobravanju sredstava iz tekuće rezerve Vlade i dostavlja ga sa Obrascem 2 Vladi na razmatranje i donošenje.

U slučajevima kada je zahtjev za izdvajanje sredstava iz tekuće rezerve Vlade neopravdan ili neprovediv u smislu finansijskih sredstava (zahtijevani iznos sredstava je iznad iznosa raspoloživih sredstava), Ministarstvo finansija pismenom obavijesti odbija zahtjev i o tome obavještava budžetskog korisnika dostavljajući mu Obrazac 2.

VIII.

Ministarstvo finansija vodi evidencije o zaprimljenim, odobrenim i odbijenim zahtjevima budžetskih korisnika.

IX.

Podatke o donesenim odlukama o odobravanju sredstava iz tekuće rezerve Vlade, Ministarstvo finansija evidentira u Obrascu 3A – Tabelarni pregled odluka o odobravanju izdvajanja sredstava iz tekuće rezerve Vlade Tuzlanskog kantona i Obrascu 4 – Obrascu 4 – Pregled odluka o korištenju sredstava tekuće rezerve budžeta Tuzlanskog kantona po budžetskim korisnicima-.

X.

Ministarstvo finansija kvartalno podnosi izvještaj Vladi o korištenju sredstava tekuće rezerve budžeta Tuzlanskog kantona na propisanom Obrascu 4 – Pregled odluka o korištenju sredstava tekuće rezerve budžeta Tuzlanskog kantona po budžetskim korisnicima-, sa tekstualnim obrazloženjem, a Vlada polugodišnje izvještava Skupštinu Tuzlanskog kantona o korištenju sredstava iz tekuće rezerve.

XI.

Budžetski korisnici dužni su i odgovorni osigurati zakonito i namjensko korištenje odobrenih sredstava iz tekuće rezerve Vlade od strane krajnjeg korisnika.

O utrošku sredstava tekuće rezerve Vlade budžetski korisnik je dužan dostaviti pismeni izvještaj Ministarstvu finansija kao i obrazloženje za eventualno neutrošena sredstva.

XII.

Sastavni dio ove odluke su: Obrazac 1, Obrazac 2, Obrazac 3A i Obrazac 4.

XIII.

Ovo uputstvo stupa na snagu danom dobijanja saglasnosti Vlade Tuzlanskog kantona, primjenjuje se od 01.01.2019.godine i isto će se objaviti u "Službenim novinama Tuzlanskog kantona.

Bosna i Hercegovina
Federacija Bosne i Hercegovine
TUZLANSKI KANTON
Ministarstvo finansija
Broj:07/1-14-29117/18
Tuzla,07.12.2018.godine



MINISTAR

Miralem Nuhanović, dipl.ecc,s.r.

Na ovo Uputstvo je data
saglasnost od Vlade Kantona

akt broj:02/1-14-29167-1/18
od 12.12.2018.godine